

16. gr.

Tryggingarstofnun ríkisins setur reglur um flutninga samlagsmanna milli sjúkrasamlaga, sbr. 12. gr. laga nr. 92 14. maí 1940 og er samlagsstjórnnum skylt að fylgja þeim reglum og sjá um, að þeim sé fylgt eftir því, sem í þeirra valdi stendur

Sama máli gegnir um reglur þær, um bráðabirgðasamlagsmenn, sem Tryggingarstofnun ríkisins setur samkvæmt 11. gr. sömu laga.

Allir reikningar viðvikjandi endurkröfum vegna bráðabirgðasamlagsmanna, samkv. fyrrnefndri grein, skulu sendir Tryggingarstofnun ríkisins, sem gerir upp þessi viðskipti milli samlaganna. Skulu samlögin gera reikninga þessa á þann hátt, sem tryggingarstofnunin ákveður. Skulu þessi innbyrðis viðskipti samlaganna gerð upp ársfjórðungslega.

17. gr.

Nú þykir sýnt, að sjóður sjúkrasamlags nægi ekki til þess að standa straum af skuldbindingum samlagsins og skal þá stjórn þess snúa sér til Tryggingarstofnunar ríkisins og leita aðstoðar hennar til þess að rétta við hag samlagsins. Jafnframt skal stjórnin gera hlutaðeigandi sveitarstjórn aðvart.

18. gr.

Brot gegn ákvæðum reglugerðar þessarar varða sektum 50—1000 kr. og renna þær til sjúkratryggingardeildar.

Með mál út af brotum á reglugerð þessari skal fara sem almenn lögreglumál.

Reglugerð þessi staðfestist hér með samkvæmt lögum nr. 74 31. desember 1937, til þess að öðlast gildi þegar í stað og birtist til eftirbeytni öllum þeim, sem hlut eiga að máli.

Atvinnu- og samgöngumálaráðuneytið, 5. ágúst 1942.

Jakob Möller.

Vígfús Einarsson.

REGLUGERÐ

um stærð, þunga og málmblöndu innlendarar skiptimyntar.

Peningar innlendarar skiptimyntar skulu að stærð, þunga og málmblöndu vera sem hér segir:

	Pvermál	Þyngd	Málmblanda
	mm	alls g	
a. Peningar, sem gildi 2 krónur	28	9,5	92 þyngdarhlutar af eyri, 6 þyngdarhlutar af alúmíni og 2 þyngdarhlutar af nikkeli.
b. Peningar, sem gildi 1 krónu	22,5	4,75	
c. Peningar, sem gildi 25 aura	17	2,4	75 þyngdarhlutar af eiri og 25 þyngdarhlutar af nikkeli
		eða	
		2	zink
d. Peningar, sem gildi 10 aura	15	1,5	75 þyngdarhlutar af eiri og 25 þyngdarhlutar af nikkeli
		eða	
		1,25	zink

144
12. ágúst

	Pvermál mm	Þyngd alls g	Málmblanda
e. Peningar, sem gildi 5 aura ..	24	6	95 þyngdarhlutar af eiri, 4 þyngdarhlutar af tini og 1 þyngdarhluti af zinki eða 97 þyngdarhlutar af eyri, 2½ þyngdarhluti af zinki og ½ þyngdarhluti af tini.
f. Peningar, sem gildi 2 aura ..	19	3	
g. Peningar, sem gildi 1 eyri ..	15	1,6	

Reglugerð þessi, sem sett er samkvæmt bráðabirgðalögum frá 11. júní 1942 um breyting á lögum nr. 19 27. júní 1925, um innlenda skiptimynt, öðlast þegar gildi.

Fjármálaráðuneytið, 12. ágúst 1942.

F. h. r.

Magnús Gíslason.

Einar Bjarnason.

145
25. ágúst

Staðfesting ríkisstjóra á skipulagsskrá fyrir „Námssjóð fátækra barna í Breiðdalsskólahverfi í Suður-Múlasýslu“, útgefin á venjulegan hátt að mandatum af dóms- og kirkjumálaráðherra 25. ágúst 1942.

Skipulagsskráin er þannig:

SKIPULAGSSKRÁ

fyrir námssjóð fátækra barna í Breiðdalsskólahverfi í Suður-Múlasýslu.

1. gr.

Stofnfé sjóðsins er kr. 1000.00. Af fé þessu eru kr. 271.30 framlag úr sveitar-sjóði Breiðdalshrepps árið 1941, en hitt, kr. 728.70, var gamall sjóður í eign sama hrepps og nefndist vaxtasjóður, en hreppsnefnd fékk samþykki sýslunefndar til þess að verja honum á þenna hátt.

2. gr.

Tilgangur sjóðsins er, að greiða námskostnað barna við væntanlegan heimavistarskóla í Breiðdal, þegar sjóðstjórnin telur að foreldrar barnanna eða þeir, sem ganga þeim í foreldrastað, hafi ekki efni á að greiða þann kostnað.

Meðan sjóðurinn er ekki nógu öflugur til að greiða skólakostnað allra barna, sem teldust hafa þess þörf, ganga fyrir öðrum þau sem fátækust eru, að dómi sjóðstjórnarinnar.

Munaðarlaus börn gangi fyrir, að öllu jöfnu.

3. gr.

Sjóðnum skal afla tekna með frjálsum framlögum félagsheildar eða einstaklinga, áheitum og yfirleitt á allan þann hátt, sem sjóðstjórnin telur æskilegt og samboðið tilgangi sjóðsins.

4. gr.

Sjóðinn skal ávaxta í Landsbanka Íslands eða á öðrum jafntryggum stað, á þann hátt, sem arðvænlegast þykir.

Allir vextir leggist við höfuðstól, þar til sjóðurinn er orðinn kr. 10000.00. Þá skal